



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք. Երևան, Շոպրոնի 77, Հեռ.

N

91/130

<<

05-01

2022թ.


Վահե Արմենակյանին

հասցե՝ ք. Երևան Արաբկիր, Կասյան փ. 1 շ. բն.40

Ուղարկում եմ Ձեր դիմումի հիման վրա ՀՀ ոստիկանության պարեկային ծառայության իրավաբանական բաժանմունքում իրականացված վարչական բողոքարկման վարույթի արդյունքում թիվ 8180045203 վարչական ակտն անփոփոխ, իսկ վարչական բողոքն առանց բավարարման թողնելու մասին որոշումը:

Առդիր՝ <<2>>թերթ:

**Պետ,
ոստիկանության գնդապետ՝**

 **Ա. Ումրշատյան**

Կատ. Հ.Հարությունյան
010-30-42-02

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 07.11.2021թ-ին կայացված 8180045203 որոշումն անփոփոխ, իսկ վարչական բողոքն առանց բավարարման թողնելու մասին

« 05 » 01 2022թ.

ք.Երևան

ՀՀ ոստիկանության պարեկային ծառայության պետ, ոստիկանության գնդապետ Ռմրշատյանս, վերանայելով Վահե Արմենակյանի դիմումի քննարկման արդյունքում ստեղծված նյութերը,

Պ Ա Ր Զ Ե Ց Ի

07.11.2021թ-ին՝ ժամը 19:42-ի սահմաններում, Երևան քաղաքի Բաղրամյան պողոտայում քաղաքացի Վահե Արմենակյանի վարած «Նիսսան» մակնիշի 130S402 հաշվառման համարանիշի տրանսպորտային միջոցը առանց գործող ԱՊՊԱ պայմանագիր վարելու համար կանգնեցվել է պարեկային ծառայության 3-րդ գումարտակի 1-ին վաշտի պարեկ Էդգար Ասատրյանի կողմից: Ստուգումից պարզվել է, որ վարորդն ավտոմոբիլը վարել է ժամկետանց վարորդական վկայականով:

Վարորդի նկատմամբ կազմվել է վարչական իրավախախտման վերաբերյալ արձանագրություն և «Վարչական իրավախախտումների վերաբերյալ» ՀՀ օրենսգրքի (այսուհետ՝ ՎԻՎՕ) 128-րդ հոդվածի 4-րդ մասի համաձայն՝ կայացվել է թիվ 8180045203 որոշումը՝ վերջինիս 10.000 ՀՀ դրամի չափով տուգանելու մասին:

Երևան քաղաքի Թորամանյան փ. 25 տ. բնակիչ Վահե Արմենակյանը դիմումով խնդրել է անվավեր ճանաչել պարեկային ծառայության վարչական իրավախախտման վերաբերյալ գործով 07.11.2021թ-ին կայացված թիվ 8180045203 որոշումը:

Վերջինիս դիմումի հիման վրա հարուցվել է վարչական բողոքարկման վարույթ, վարույթին պատշաճ ծանուցված Վահե Արմենակյանը չի ներկայացել գործի քննությանը:

Դիմումի քննարկման արդյունքում պարզվել է, որ վարչական իրավախախտման վերաբերյալ գործով 07.11.2021թ. կայացված թիվ 8180045203 որոշումը ենթակա է կատարման հետևյալ պատճառաբանությամբ.

ՎԻՎՕ-ի 128-րդ հոդվածի 4-րդ մասի համաձայն՝ ուժը կորցրած վարորդական վկայականով կամ ուժը կորցրած այլ փաստաթղթերով տրանսպորտային միջոցներ վարելը, Հայաստանի Հանրապետության քաղաքացու կողմից այլ երկրի վարորդական վկայականով տրանսպորտային միջոց վարելը, ինչպես նաև օտարերկրացու կողմից Հայաստանի Հանրապետությունում չգործող (ՄԱԿ-ի 1968 թվականի «Ճանապարհային երթևեկության մասին» կոնվենցիայի պահանջները

չբավարարող) վարորդական վկայականով տրանսպորտային միջոց վարելը՝ առաջացնում են տուգանքի նշանակում՝ սահմանված նվազագույն աշխատավարձի տասնապատիկի չափով:

«Ճանապարհային երթևեկության անվտանգության ապահովման մասին» ՀՀ օրենքի (այսուհետ՝ ՃԵԱԱՄՕ) 29-րդ հոդվածի համաձայն՝ անձի վարելու իրավունքը դադարում է, եթե՝

1) առկա է նրան անգործունակ ճանաչելու մասին դատարանի՝ օրինական ուժի մեջ մտած վճիռ.

2) առկա է նրա՝ հոգեկան, թմրամիջոցների և (կամ) հոգեմետ (հոգեներգործուն) նյութերի օգտագործմամբ պայմանավորված հիվանդության վերաբերյալ և (կամ) առողջական վիճակը օրենսդրությամբ սահմանված պայմաններին չհամապատասխանելու մասին իրավասու մարմնի եզրակացություն.

3) առկա է վարելու իրավունքից զրկելու մասին դատարանի՝ օրինական ուժի մեջ մտած դատական ակտ կամ իրավասու այլ մարմնի՝ ուժի մեջ մտած ակտ.

4) նա մահացել է:

2. Անձի վարորդական վկայականն ուժը կորցնում է, եթե՝

1) առկա է սույն հոդվածի 1-ին մասով նախատեսված հիմքերից որևէ մեկը.

2) լրացել է վարորդական վկայականի գործողության ժամկետը.

3) վարորդական վկայականը կորել է, և անձը դիմել է նոր վկայական ստանալու համար կամ իրազեկել է կորստյան մասին:

ՃԵԱԱՄՕ-ի 18-րդ հոդվածի 1-ին մասի ե) կետի համաձայն՝ տրանսպորտային միջոցի երթևեկությունն արգելվում է, եթե՝ վարորդը տրանսպորտային միջոցը վարում է կեղծ կամ ուժը կորցրած վարորդական իրավունքի վկայականով:

Պարեկային ծառայողների կողմից տրված պարզաբանման համաձայն՝ քաղաքացի Վահե Մորիսի վարորդական վկայականը տրվել է 11.03.2009 թվականին, իսկ ժամկետանց վարորդական վկայականով վարելու փաստը հայտնաբերվել է ՃՈ Էլեկտրոնային ռեգիստրով (հիմք՝ 1251-ն կառավարության որոշում):

ՎԻՎՕ-ի 252-րդ հոդվածի համաձայն՝ մարմինը (պաշտոնատար անձը) ապացույցները գնահատում է իր ներքին համոզմունքով, որը հիմնված է գործի՝ իրենց ամբողջությամբ վերցված բոլոր հանգամանքների համակողմանի, լրիվ և օբյեկտիվ հետազոտման վրա, ղեկավարվելով օրենքով և սոցիալիստական իրավագիտակցությամբ:

Այսպիսով, դիմումատուի արարքում առկա են ՎԻՎՕ-ի 128-րդ հոդվածի 4-րդ մասի հատկանիշները, ուստի ելնելով վերոգրյալից և ղեկավարվելով ՎԻՎՕ-ի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Պարեկային ծառայության վարչական իրավախախտման վերաբերյալ գործով 07.11.2021թ. կայացված 8180045203 որոշումը թողնել անփոփոխ, իսկ վարչական բողոքն առանց բավարարման:

- Պետ,
ռստիկանության գնդապետ՝

Ա. ՌԻՄՔՆԱՏՅԱՆ

